

## 十二月

### 盛太常来电

光绪二十二年十二月初一日到

沁电嘱赓勿进京，以中国作主，赓参赞为是。须设矿务公司，而华商附股必鲜，全是洋股，何能作主？可否援中俄银行，附官股一半，馀一半招各国股分，舍此无两全策。徐州铁矿如何招洋股？何不合力，先将大冶荆铁办好。铁路附近，但知怀庆有煤，究竟准用洋股与否，应请中堂速与各堂议定，方可与摩商酌。摩志在金矿，中堂复摩电言，已有一处可用水力开通。询在何处，伊欲往勘，乞示。宣叩。勘亥。

### 复盛太常

光绪二十二年十二月初一日午刻

沁电持示常熟，谓与原奏不合，邸枢不能允，且何不与王、张会办？鸿以伊等无此魄力，至德议更无人主持，奉吉虑俄有违言，朝局大概如此。华士宾电：盛不谓然，我们大失望。可专议借款，不提铁路云。复电仍令与弟妥商。勘电，赓事欲请官款，应罢论，怀庆煤用洋股，内外必阻。赓长于金矿，前在津商徐雨之，现开朝建、抚、宁各矿，有金总难获效。雨之在沪，可与熟筹。总之，此等须由外主持酌办，若请由中制，谁可任者？

### 盛太常来电

光绪二十二年十二月初二日到

朔电德议无人主持，华议亦与原奏不合，稍有办法，自必与直、鄂会筹。矿事既阻，洋股又无，官款必难成。雨之已令面议，然岂能无洋股乎？闻香帅亦不以摩议为然。冬。